

Zatvaranje Javnog poziva po Programu Start UP Druga Prilika 2026

„Obavještavaju se nezaposlene osobe da se Javni poziv po Programu Start UP Druga prilika 2026, zatvara 13.05.2026.godine u 15:00 sati.“

Javni poziv po Programu sufinansiranja zapošljavanja Služba u saradnji sa poslodavcima 2026

Služba za zapošljavanje ZDK obavještava sve zainteresovane poslodavce da će Javni poziv za prijave po Programu sufinansiranja zapošljavanja Služba u saradnji sa poslodavcima 2026 biti otvoren na dane 20.05.2026. godine i 21.05.2026. godine počev od 08:00 sati.

Tekst Programa možete preuzeti na ovom [linku](#).

Registracija poslodavca je preduslov za učestvovanje u Programu, a mora se izvršiti prije podnošenja zahtjeva za sufinansiranje. Poslodavac se registruje putem linka na web portalu Zavoda: www.fzzz.ba.

Poslodavci, nakon uspješno okončane registracije, direktno se prijavljuju Službi putem redovne pošte ili lično i dostavljaju popunjen Obrazac prijave – Služba u saradnji sa poslodavcima

2026 (Obrazac SP), koji je dostupan na web portalu Zavoda i Službe na ovom [linku](#).

Prijave se zaprimaju putem protokola biroa rada prema sjedištu poslodavca kao i putem pošte na adresu: Služba za zapošljavanje Zeničko-dobojskog kantona, Adolfa Goldbergera 6, 72 000 Zenica, sa napomenom Prijava na javni poziv Služba u saradnji sa poslodavcima 2026.

Prijave poslodavaca koji iste dostavljaju putem pošte mora sadržavati elektronski označeno vrijeme prijema prijave.

Poslodavac je u obavezi prilikom predavanja Obrasca prijave imati i kopiju Obrasca prijave na kojoj će protokol biroa rada evidentirati tačno vrijeme zaprimanja prijave. Navedenu kopiju zadržava poslodavac.

Poslodavac uz Obrazac prijave – Služba u saradnji sa poslodavcima 2026 (Obrazac SP) prilaže:

– Uvjerenje Porezne uprave Federacije BiH o izmirenim porezima i doprinosima ne starije od mjesec dana od dana podnošenja prijave za sufinansiranje/Obrazac prijave – Služba u saradnji sa poslodavcima 2026 (Obrazac SP) ili Sporazum s Poreznom upravom FBiH o izmirenju duga po osnovu poreza i doprinosa.

– Dokaz o glavnom računu (karton deponovanih potpisa, ugovor o tekućem računu sa bankom ili potvrda o računu).

POSEBNE NAPOMENE

1. Ukoliko u isto vrijeme bude zaprimljen veći broj zahtjeva poslodavaca, prednost će se prvo dati onim poslodavcima koji su kasnije registrovali djelatnost.
2. Ukoliko u isto vrijeme bude zaprimljen veći broj zahtjeva poslodavaca koji su u isto vrijeme registrovali djelatnost onda će se prednost dati onim poslodavcima koji imaju manji trenutni broj radnika.

3. Jedan poslodavac (osoba) može podnijeti maksimalno jedan zahtjev.
 4. Neblagovremene i neuredne prijave neće biti predmetom razmatranja.
-

USPJEŠNE PRIČE PO PROGRAMIMA SUFINANSIRANJA SAMOZAPOŠLJAVANJA U ZDK

Program sufinansiranja samozapošljavanja 2024 – START UP 2024, kroz mjeru „Poduzetništvo za mlade 2024“, pružio je priliku mladim ljudima da svoje ideje pretvore u uspješne poslovne priče. Jedna od njih je i priča o obrtu Frizersko kozmetički salon “Studio Rina” iz Zavidovića, koji je zahvaljujući predanom radu, podršci programa i jasnoj viziji uspio ostvariti stabilno poslovanje i nastaviti sa uspješnim radom i nakon završetka perioda sufinansiranja.

Vlasnica Berina Mehić, uz podršku programa samozapošljavanja, pokrenula je vlastitu djelatnost 1. juna 2024. godine sa željom da svoje znanje, kreativnost i ljubav prema poslu pretvori u siguran i kvalitetan poslovni poduhvat.

Posebnu vrijednost ovoj priči daje činjenica da je kroz isti program zaposlena i sestra vlasnice Bećić Zerina. Njihova zajednička posvećenost, trud i međusobna podrška pokazatelj su koliko su ovakvi programi značajni za stvaranje novih radnih mjesta i jačanje ženskog poduzetništva.

Period sufinansiranja trajao je od 01.06.2024. do 31.05.2025. godine, a po njegovom završetku djelatnost je nastavila uspješno poslovati, što potvrđuje održivost poslovne ideje i

uspješnost realizovanog projekta.

Priča o obrtu Frizersko kozmetički salon "Studio Rina" predstavlja pozitivan primjer kako uz podršku programa samozapošljavanja mladi ljudi mogu izgraditi stabilan posao i doprinijeti razvoju lokalne zajednice.

Korisnici programa želimo mnogo sreće i uspjeha u budućem radu, poslovnom razvoju i ostvarivanju novih ciljeva.



